

Техник муугъар олзлгдджана

Яшалтинск болн Приютненск райодин түрүн нүүрт йовх эдл-ахусар өвс хадлгън хурдн йовудар йовдж йовна. Күч-көлснн гүдждрлт нег чигн өдрт сулдхш. Энүнд өвс хадлгъна зуран 70 процентн хадгдв. Болв танъгъчар өвс хаддж хуралгън дегд уданар кегддж йовна. 800 гар миньгн гектар газрин йилгъән сән өвсн эклдх хадгдд уга. Хотхр газрин өвсн өндртән 40 сантиметр күрнә. Зәрм газрин өвсн хагсад шарлджана. Сарпинск, Целинн, Яшкульск болн Приозерн райодн колхозмуд болн совхозмуд хадлгъна газрин зуг тавна кесн нег хувины хурацав.

Олгънә учрн — өвс хадлгънд техник муугъар олзлгъна уршг. Яшкульск района «Гашунский», «Лиманный», «Кировский» совхозмудар кәдлмшин өдр дундлад нег шалгъд 5 — 6 гектар хадгднә. Кәдлмшин өдр брүн 7-8 часла экләд, нарн суутл болна. Уүрмүд Репринцевин («Лиманный» совхозас), Юдина (108-ч совхозас) болн талдан чигн бригадсин механизатормуд тус угагъар кесг цаг геечхәнә. Техник зогслгънд кен чигн оньган тәвхш.

Танъгъчд өбдм ашта кәдлмшин улгур узулдж йовх өвс хадлгъна агрегатс багъ бишәр бәәнә. «Гашунский» совхозин трактористн Михаил Кошман болн Иван Чудотов нег шалгъд 15-д гектар хадгдхәнә. Энүг өдн цаг әрвлгънә ашд күцәцхәнә. Механизатормуд гурвн шалгъта машингәр өвс хадлгън бр цәйлгънлә экләд, асхн ора зогсацхәнә.

Кәдлмшин өдр сәәнәр олзлад, энүнә улд өвс хадлгъна агрегатсин кәдлмшин ашинь өбдлулдж болхмн. Болв тү-

рүн нүүрләчрнн дамшлт сулар тархагддж олзлгднә. Одахн района партийн активнн хурт КПСС-н Яшкульск райкомин сегләтр ур Азыдов, района куцәгч комитетин ахлач ур Метла, совхозмуднн директормуд Землянскнн, Дровалев, Богданов улгурин чиллин чинрин тускар дала уг келцхәнә. Уг келдәнәс өвс хадлгъна бригадсар күч-көлс дигтә сәәнәр бұрдәлгънд орх цаг әс ирвү?

Өвс хадлгън эклхнн өмн Приозерн района селәнә эдл-ахун күч-көлсчнр олна малд хойр джилин хотин көрнә хоршалгъна социалистическ дбрлдә татла. Партин райком (сегләтрнә ур Кокшунов), совхозмудин гардачнр малин хотин көрнәгин тускар ямр кевәр килхиг ил кергтән узулдж медулх гидж ицдж болхмн билә. Болв малин хот белдлгънә цагт, район танъгъчин сүл ормд тусв.

Райкомин болн района куцәгч комитетин, партийн, комсомольск, профсоюзн организацсин болн поседксин Советсин халхас социалистическ дбрлдәг тодрха сәәнәр, илднә әс гардсна уршгар хадлгъна бригадсар өвс хадлгъна өдр-өдрәр батлгдсн зура эвдгдәд бәäv. Чкаловин нертә совхозас уүрмүд Меджиевин, Соловьевин, Амтевин, «Ергенинский» совхозас—Бакановин болн Алуповин, «Приозерный» совхозас—Санджиевин болн Сохоровин бригадсар өвс хадлгъна агрегатс, өвс ковнәг-лдг, цуглулдг машинд муугъар олзлгднә. Зәрм трактористнр тавн хонга зурагъан 70—80 процент куцәцхәнә.

Энүнд талдан чигн эндүс гарна. Тракторн бригадсин социалистическ дбрлдә диглхән, хадсн гектарин тоогъ-

нн хәләдж түрүн орм өгнхәнә. Тургар шарлдг нарн өвс хаддж йовх цагт тиигдж хәләлгън чик билә. Одгә цагт хадсн гектаринь тоолх десрән, кедү тонн өвсн хадгдсинь, овалгдсинь тоолдж, теднә төлә ноолда кех кергтә. Энүнлә залгъдулдж, райкомин хәләцәр болхла түрүн нүүрт йовх, өвс овалгъарн улддж йовх «Сухотинский» совхозин ур Лысенкон бригад заадж келх кергтә.

Техникг сәәнәр, чикәр олзлхла, өвс хурадж овалгъна цуг кәдлмшиг нег-негинь дахулдж түргәр кедж болхиг Яшалтинск болн Приютненск райодин түрүн нүүрин эдл-ахусин дамшлт узулджәнә. Энүнә төлә өвс хадлгъна агрегатсин кәдлмшин ашинь өбдлуләд, кәдлмшчнрин күч-көлс дигтә сәәнәр бурдәх кергтә.

А. МЕЛЬНИКОВ.